





¶ Ferdinandus de Salazar decretorū doctor  
excellentissimo & famosissimo utriusq; iu-  
ris interpreti dño Ioanni de Sala precepto-  
ri & dño suo. S. P. D.

*duplicata fol. 139.  
& 204.*

¶ Oratōnem quam nuper luculentissimam habuit  
ad Pont. Max. Reipublice Bononiensis noīe Anto-  
nius Galeacius Prothonotarius Bentiuolus cū im-  
primendam curarem: cui potius dicendam arbitra-  
rer q̄ tibi: inueniebam neminem. Cum enim te sem-  
per fuisse noram: cuius obseruantia & fides in benti-  
uolos omnes extiterit singularis. Præterea ex disci-  
puli tui eloquentia & prudentia non ambigendum  
erat uoluptatem haud mediocrem te capturū. Eam  
igitur leges: & illustri principi Ioanni ac Geneuræ  
coniugii præclarissimæ gratulaberis: quod talem edi-  
derit filiū: in quo parētum uis omnis eluceat. Iuxta  
Horacianum illud: Est in equis patrum uirtus: neq;  
imbellem feroces pro generant aquilæ columbam.  
Vale & me a quo precipue coleris ama.

Oratio Antonii Galeacii Bentiuoli  
 Prothonotarii Apostolici oratoris no  
 mine Bononiensium habita apud Ale  
 xandrum .vi. Pont. Maximum .5. Nov. 1492.

Gaudio maximo btissime pater; maximaq; letitia  
 affecti sunt Bononiensium uniuersi: postea qua renuncia  
 tum est tua beatitudine: sacratissima: amplissimaq;  
 pontificatus magni dignitate fuisse decorata Dataq;  
 esse illi habenas Christianae religionis moderandas:  
 statimq; tuae Bononiensis Reipublice gubernatores  
 decreuerunt nos ad Apostolicam sedem esse mitten  
 dos: ut publico nomine reuerentissime uiseremur: &  
 religiosissime ueneremur tuam sanctitatem: qua  
 nihil in terris uenerabilius fieri potest. Facimus  
 itaq; in presentiam quod facere moniti sumus & de  
 bemus: dedimus nos & diuina humanaq; nostra om  
 nia tuae sacratissimae maiestati obedieter prestoq; fa  
 cturi quicquid nobis: quicquid suae Bononiensi Rei  
 publice ex Pontificali mandato iniunctum fuerit.  
 Tota enim Ciuitas illa apostolicam sedem colit: tu  
 amq; sanctitudinem (sicuti debet) officiosissime ob  
 seruat: ac reueretur: quam oramus & suppliciter obse  
 cramus ut dedititios Bononienses ea comitate susci  
 piat: ea tractet: indulgentia: qua tractari suscipiq; me  
 rentur subditi fideles ac deuoti obnoxiiq; clientes.  
 Et profecto si bene coniector debet mereturq; Bo  
 nonia nihil ferme minus chara tuae beatitudini esse

q̄ patria ; Cum illic in adolescentia qua ætate uerus  
amor conciliatur operam dederit studiis litterarum;  
Gymnasiumq; illud scolasticum non paucis annis ce-  
lebrauerit. Nam si patriam solumq; genitale diligimus  
propterea q̄ ibi nascimur: nonne illam quoq; ci-  
uitatem & quidem ardentem amare debemus: in qua  
formamur atq; instituimur liberalibus ingeniiq;  
disciplinis: Sicuti sanctitas tua in gymnasio scolisq;  
Bononiensium formata est & instituta. Merito itaq;  
speramus habituros nos pontificem: ut omnium ma-  
ximum sis omnium optimum. Ut potentissimum  
sic beneficentissimum: In cuius fidem manum atq;  
potestatem nos ac nostra tradidimus. Quod super-  
est nouissimo loco pater meus cum tota Bentiuola  
familia se & sua dedit: dicat: subiicit tuæ clementissi-  
mæ beatitudinî obedienter facturis quicquid illa pre-  
ceperit: Qui in presentia gaudibundus exultat q̄ cō-  
pater sit illius & dedititius. Qui inter mortales maxi-  
mus est. Qui merito Christi Vicarius potest appella-  
ri. Rogat oratq; maxime idē pater meus tuā bea-  
tissime pater beatitudinē: ut fidem: deuotionē: ob-  
seruātiāq; ipsius familiæq; Bentiuolæ comiter am-  
plexetur & nutu pontificali foueat: tueaturq; nos oēs  
qui dediti sumus addicti mancipati tuæ beatitudinî  
omni bonitate prestanti: quā deus omnipotens diutissi-  
me florentissimeq; permittat sedis aplice & Romanæ  
ecclesiæ habenas regere ac moderari. Dixi.